

Montes.

Opera publice.

Mores.

Corfu.
Situs.

littore Septentrionali sunt *Melipotamus*, *Scasinus*, *Cladilis*, *Epicidomus*, *Gisso*, *Divotro*: versus Occidentem est *No- puliar*: versus Meridiem *Limens*. Piscem habet Creta in littoribus admodum frequentem Muli Barbat i magnitudine, aliis regionibus valde rarum, qui *Scarus* dicitur, cujus veteres auctores saepe meminerunt, & apud Romanos olim in deliciis fuit, primum inter pisces locum facile obtinens. Montes ejus nobiliores sunt tres, *Ida*, qui *Psiloriti* adcolis vocatur: *Leuci* qui Plinio *Cadissi*, nunc vocantur *de Madara*: & *Dieta*, qui *Sethia*. Adeo celsi sunt, ut nix tota hieme eos operiat: tametsi Cupressi hinc inde inter saxa convallium nascantur. *Mons Ida* omnium est eminentissimus. Hic ante Solis ortum Solem videt: nam ut est apud Lucretium:

—— *Ideis fama est e montibus altis Dispersos igneis orienti lumine cerni.* Stirpibus rarioribus Herbisque variis abundat, quæ a Bellonio lib. i cap. vii enumerantur. *Labyrinthum* in Creta Dædali opus multi memorant: ejus, quemadmodum & Italici nulla vestigia fuisse suo ævo testis est Plin. lib. xxxvi cap. xiii. Mirandus propterea Incolarum stupor, qui etiam hodie ad radicem Montis Idæ pro veterem novum fictitiumque *Labyrinthum* ostentant: sed non est mirum Cretensem *Cretissare*. Incolæ vel Cœli Solique larga benignitate, vel suo pte vitio fuerunt ad mala propensissimi. Mendaces olim, fraudulenti, rapaces, avarii, & vinosti fuerunt, ut auctores perhibent, laboris impatientes nullasque artes exquisite discantes: sed ut plurimum comestationibus, & potationibus dediti. Hodie vero naturæ impulsu, ut auctor est Bellonius, & ab ipsa pueritia Scythico arcu sese exercere solent, veterem sequentes consuetudinem. Namque tradunt eos olim Dianæ fuisse dicatos: propterea etiam ipsos Turcas arcus jaculatione superant: quinetiam dextri, agiles & strenui nunc in pugnis marinis sunt, sicut olim Primi enim Cretenses navibus & sagittis valuisse scribuntur, quod ita capiendum puto, ut hi Græcorum primi hæc studia sectati sint. Nam ut est apud Philosophum cap. vii lib. i i Polit. Videtur hæc Insula ad Principatum Græciæ nata, ac præ ceteris omnibus præclare sita. Imminet enim universo mari: cui Græci circumfusi sunt. Atque hac quidem parte exiguo abest intervallo a Peloponneso: illa, ab Asia loco qui est circa *Tro- pium*, & a Rhodo. Quocirca Imperium maris obtinuit Minos, atque Insularum alias subegit: alias quum diu fuissent deserta, colfecit. Episcopatus in ea fuere iuxta Provinciale Romanum. Arch. Cretensis, nunc Candianus, cui hi sub- sunt Suffraganei: *Kirokeus*, *Archadiensis*, *Gerapetrensis*, *Siciniensis*, nunc *Sittia* opinor, *Milopotamiensis*, *Ariensis*, *Ca- lamoniensis*, *Epicalamose* forte, *Agienensis*, *Rissaniensis*. Arch. *Atridenensis*, sub quo sunt *Casensis*, *Scopulensis*, *Napronensis*, *Margaricensis*, Arch. *Soltaniensis*, hos habet Suffraganeos, *Helenensem*, *Sudensem*, *Monovasiensem*, *Taurisensem*, *Marrachitanensem*. Arch. *Vossreniensis*, huic sunt Suffraganei *Tepheliensis*, *Matrehensis*, *Cersonenensis*. Atque hæc de Candia: restant paucis explicandæ aliquot circa Græciam Insulæ.

Corfu vulgo, *Corcyra* Ptol. Insula olim nobilis, bello & navibus imprimis potens. Distat a Epiro duobus mill. ubi fretum est arcuissimum: ubi vero latissimum xx. Passus xcvii in longitudinem patet, teste Plinio.

Cœli